



Broj: 09-20-11-2-1452-VI

Datum: 20.07.2023. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14 i 59/22), i preporuke Komisije za provođenje otvorenih postupaka nabavke u 2023. godinu, direktor Federalne uprave policije po Rješenju o ovlaštenju Vlade Federacije Bosne i Hercegovine, V. broj: 694/2023 od 17.05.2023.godine, d o n o s i:

O D L U K U

o izboru najpovoljnijeg ponuđača za Javnu nabavku rezervnih dijelova i usluga popravke vozila iz programa Volkswagen, Škoda, Land Rover, Toyota, Fiat i Ford koja nisu u garanciji za LOT-6

1. Dodjeljuje se Ugovor ponuđaču „Mirado“ doo Tuzla za Javnu nabavku rezervnih dijelova za vozila i usluga popravke vozila iz programa Ford koja nisu u garanciji (LOT-6), prema Ponudi broj: 1-2731/23 od 07.07.2023.godine sa ukupnom cijenom u iznosu od 794,21 KM bez PDV-a, prema Izvještaju o toku i završetku e-Aukcije broj:1412-1-1-144/23 od 20.07.2023.godine.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 09-20-11-2-1452 od 14.06.2023. godine.
4. Ova odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj:39/14 i 59/22).
5. Za izvršenje Odluke zadužuje se Sektor za materijalno-finansijske poslove.

O B R A Z L O Ž E N J E

Federalna uprava policije je provela otvoreni postupak Javna nabavka rezervnih dijelova i usluga popravke vozila iz programa Volkswagen, Škoda, Land Rover, Toyota, Fiat i Ford koja nisu u garanciji za LOT-6 (Javnu nabavku rezervnih dijelova za vozila i usluga popravke vozila iz programa Ford koja nisu u garanciji), po Obavještenju o javnoj nabavci broj: 1412-1-1-144-3-68/23 objavljeno u "Službenom glasniku BiH" broj: 46/23, dana 30.06.2023. godine i ispravci obavještenja o nabavci broj:1412-1-1-144-8-78/23 od

03.07.2023.godine u vezi sa kojim je Komisija za provođenje otvorenih postupaka nabavke za 2023. godinu dana 12.07.2023.godine izvršila radnju Otvaranja ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

Komisija je na sastanku koji je održan 17.07.2023 godine, izvršila pregled i ocjenu ponuda kojom prilikom je utvrdila da su u predviđenom roku za dostavljanje ponuda za navedenu nabavku pristigle dvije ponude i to:

- Ponuda ponuđača "Kare" doo Sarajevo broj: SK6823.6/23 od 12.07.2023.godine, sa ponuđenom cijenom u iznosu od 795,00 KM bez PDV-a;
- Ponuda ponuđača "Mirado" doo Tuzla broj: 1-2731/23 od 07.07.2023.godine, sa ponuđenom cijenom u iznosu od 799,68 KM bez PDV-a;

Komisija je u postupku pregleda i ocjene ponuda utvrdila da su ponude naprijed navedenih ponuđača formalno-pravno ispravne i da ispunjavaju uslove tražene tenderskom dokumentacijom, nakon čega je od Sektora za materijalno-finansijske poslove zatražila provođenje e-Aukcije i zaprimila Izvještaj o toku i završetku e-Aukcije broj: 1412-1-1-144/23 od 20.07.2023.godine, iz kojeg je vidljivo da je ponuđač „Mirado“ doo Tuzla, ponudio najnižu cijenu u iznosu od 794,21 KM bez PDV-a.

Komisija je vodeći se kriterijem najniža ukupna cijena tehnički zadovoljavajuće ponude predložila da se shodno članu 70., Zakona o javnim nabavkama Bosne i Hercegovine, donese Odluka o izboru najpovoljnijeg ponuđača „Mirado“ doo Tuzla za Javnu nabavku rezervnih dijelova za vozila i usluga popravke vozila iz programa Ford koja nisu u garanciji – LOT6, što je konstatovano u Zapisniku o pregledu i ocjeni ponuda od 17.07 i 20.07. 2023.godine.

Razmatrajući prijedlog Komisije, direktor Federalne uprave policije po ovlaštenju Vlade FBiH donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za mat. fin. poslove
- ponuđačima
- u spis

DIREKTOR
(po ovlaštenju Vlade FBiH)
GLAVNI INSPEKTOR
Vahidin Munjić

